

G J A L D S K R Á

Rafveitu Hveragerðis.

I. RAFORKA

Rafveita Hveragerðis selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 4.80 hverja kwst.
2. Um kwst.mæli á kr. 1.60 hverja kwst., auk fastagjalds, er nemi kr. 23 á ári af fermetra gólfplatar í rúmi því, er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal reikna til gjalda aðeins þriðjung gólfplatar.

B. Almenn heimilisnotkun.

1. Um kwst.mæli á kr. 1.10 hverja kwst., auk fastagjalds er nemi kr. 18 á mánuði af einu herbergi hverrar íbúðar og kr. 9 á mánuði af hverju herbergi umfram eitt. Mælisleiga er innifalin í fastagjaldinu.

Í útreikningi á fjölda herbergja skal telja öll herbergi, sem ætluð eru til íbúðar, og eldhús. Herbergi minna en 5 m² skal telja sem hálf, en stærra en 25 m² sem tvö. Þar, sem meðalstærð herbergja í íbúð er minni en 10 m², má reikna með þeirri meðalstærð.

C. Vélar.

1. Um kwst.mæli á kr. 2.40 hverja kwst. Hafi vélarinnar mjög stuttan notkunartíma, má krefjast minnsta árgjalds, kr. 500 fyrir hvert kw. í málraun véla.

Eftir þessum gjaldskrárlíð má einnig selja raforku til lýsingar og greiðist þá, auk orkugjaldsins, fastagjald er nemi kr. 16 á m² gólfplatar. Fastagjald skal reikna eftir sömu reglum sem gilda um líð A2.

2. Um afl og orkumæla þannig reiknað:

a. Grunnjald	kr. 1290 á ári.
b. Aflgjald af notuðu afli	— 1290 á kw. á ári.
c. Orkugjald	— 0.35 á kwst.

Notað afl hvers almanaksárs telst vera meðaltal fjögurra hæstu álestra, en álestrar fari fram mánaðarlega og sem næst mánaðamótum. Aflnotkun mælist sem meðalalag yfir stundarfjórðung. Mælisleiga er innifalin í grunnjaldinu.

3. Ef ekki eru tók á að mæla notað afl, má selja þannig:

a. Grunnjald	kr. 1290 á ári.
b. Fastagjald á hvert kw. í málraun véla	— 984 á ári.
c. Orkugjald	— 0.35 á kwst.

Mælisleiga er innifalin í grunnjaldinu.

Framangreint raforkuverð fyrir vélanotkun miðast við, að fasviksstuðull tækja hjá notanda, t. d. rafsuðuspenna, sé eigi lægri en 0.8. Sé hann lægri getur rafveitan krafizt þess, að hann sé hækkaður upp í það gildi.

Rafveitustjóri getur bannað notkun rafsuðuspenna eða takmarkað notkun þeirra við tiltekna tíma sólarhrings.

Hitun.

1. Um kwst.mæli á 28 aura hverja kwst., enda megi rjúfa strauminn í allt að 3 klst. á dag á tímum mesta álags rafveitunnar, þó eigi lengur en 1½ klst. í senn.
2. Um kwst.mæli á 17 aura hverja kwst., í 9 klst. á tímanum frá kl. 22 til kl. 9. Um framangreinda hitagjaldskrárlíði gilda eftirfarandi ákvæði:
 - a. Minnsta árgjald skal vera sem svarar 1500 klst. notkun á hvert kw. uppsetts afls hitunartækja.
 - b. Verðið breytist með útsöluverði á dísilolíu í Hveragerði, þannig, að gjaldskrárverðið teljist jafngilda kr. 1930 verði á oliutonni, en hækki eða lækki um 1 eyri hver kwst. á lið D1 og 0.6 eyri hver kwst. á lið D2 fyrir hverjar fullar 70 kr., sem oliutonnið hækkar eða lækkar.

Önnur skilyrði fyrir raforkusölu til húshitunar:

- a. Að vélaafl, línur og spennar þoli álagið að dómi rafveitustjóra.
- b. Að notandi setji klukkurofa fyrir hitalögnina og kosti viðhald þeirra. Þó getur rafveitustjóri ákveðið, að rafveitan leggi til rofa og annist viðhald þeirra, kostar þá notandinn þá tengingu þeirra og greiðir leigu af þeim, samkvæmt reglum, er gilda um leigu mæla.
- c. Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofum og hitastillar notaðir, sé þess krafizt.

E. Önnur raforkunotkun.

1. Raforku til suðu má selja til gisti- og veitingahúsa, sjúkrahúsa og annarra slíkra staða á kr. 1.10 hverja kwst., enda sé notkunin seld um sérmæli og suðutækin fasttengd.
2. Til nota um vinnulagnir við byggingar, meðan á byggingu stendur, um kwst.mæli á kr. 2.40 hverja kwst.
3. Til fasttengdra bókunarofna, vatns- og gufukatla í brauðgerðarhúsum og til annarra hliðstæðra nota, um kwst.mæli á 35 aura hverja kwst. í 10 klst. á sólarhring á tímanum frá kl. 22 til kl. 9 eða um tvígjaldsmæli á 35 aura hverja kwst. í 10 klst. á tímanum frá kl. 22 til kl. 9 og 70 aura hverja kwst. á tímanum frá kl. 9 til kl. 22, enda megi rjúfa strauminn í allt að 4 klst. á dag á tímum mesta álags rafveitunnar, þó eigi lengur en 2 klst. í senn.
4. Til súgþurrkunar á heyi um kwst.mæli á 90 aura hverja kwst.
5. Til götulýsingar um kwst.mæli á kr. 1.60 hverja kwst., og annast þá rafveitan rekstur og viðhald lýsingarkerfisins.

Alla raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A1. Þegar sérstaklega stendur á, má rafveitustjóri þó, að tilskildu samþykki rafveitustjórnar, selja raforku eftir sérstökum samningi í hvert sinn, þó eigi lengur en til eins árs í senn.

Lægsta gjald fyrir rafmagnsnotkun um heimtaug skal vera kr. 1200 á ári. Skal mismunur á ársnotkun og lægsta gjaldi, ef einhver er, innheimtur í fyrsta mánuði næsta árs.

II. MÆLALÆIGA

Rafveitustjóri ákveður stærð og gerð mælitækja, sem nota skal fyrir hverri veitu, og er ákvörðun hans skuldbindandi fyrir notandann, sem skal greiða leigu af mælitækjum sem hér segir:

1. Af einfasa kwst.mælum 30 A. og minni kr. 8 á mán.
2. Af þrífasa kwst.mælum 50 A. og minni — 13 á mán.
3. Af þrífasa kwst.mælum yfir 50 A. og til 100 A. — 18 á mán.

Af öðrum mælitækjum en þeim, sem nefnd eru, skal ársleigan vera sem næst 20% af verði mælitækjanna. Leigan skal innheimt um leið og gjald fyrir raforku.

III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald sem hér segir:

1. Grunngjald af loftlínuheimtaug kr. 1400.00
2. Grunngjald af jarðlínuheimtaug — 2100.00

Auk grunngjaldsins greiðist kr. 4.60 af hverjum rúmmetra húsa allt að 700 rúmmetrum og kr. 2.30 af hverjum rúmmetra þar yfir.

Fari lengd jarðstrengsheimtaugar fram úr 20 m eða loftlínuheimtaugar fram úr 30 m., skal húseigandi greiða kostnað af því sem fram yfir er.

Lengd loftlínuheimtaugar reiknast frá næsta stólpa í notendalínu við götu styztu greiðfæra leið að varkassa.

Lengd jarðstrengsheimtaugar reiknast frá lóðarmörkum við götu styztu greiðfæru leið að varkassa.

Ef lagðar eru fleiri en ein heimtaug að sama húsi, skal greiða allan kostnað við síðari heimtaug eftir reikningi.

Heimtaugargjald fellur í gjalddaga að heimtaugartengingu lokinni.

IV. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun kr. 50.00.
2. Ef fundin eru óleyfileg vör eða of stór vör við skoðun, skal veitunni lokað tafarlaust, og verður hún ekki enduropnuð fyrr en notandinn hefur greitt kr. 50.00 á skrifstofu rafveitunnar.

V. HEIMILD TIL HÆKKUNAR

Hreppsnefnd er heimilt að hækka eða lækka gjöld, sem ákveðin eru í gjaldskrá þessari, um allt að 10%, án sérstakrar staðfestingar ráðuneytisins. Enda auglýsi hreppsnefnd breytinguna í Lögbirtingablaðinu áður en til hennar kemur.

Gjaldskrá þessi, sem hreppsnefnd Hveragerðishrepps hefur samið og samþykkt, og gerð er samkvæmt vatnalögum nr. 15 20. júní 1923, og raforkulögum nr. 12 2. apríl 1946, staðfestist hér með til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Jafnframt er úr gildi numin eldri gjaldskrá um sama efni, nr. 147 6. ágúst 1963.

Atvinnumálaráðuneytið, 4. desember 1965.

Ingólfur Jónsson.

Porv. K. Þorsteinsson.